

# Kangikhitjutikhaq

## Group A Iggiatigut (iGAS) Aanniarut

### Hunali Group A Iggiatigut (iGAS) aanniarut?

Group A iggiatigut (GAS) aanniarutiuyut nalvaakhimayut iggiakmi uvinianilu aanniaqtuqargittuni inungni. Tamatqivyaghugit GAS aanniarutit mikiyumik aanniarutauttaaqtut iggiakliuqhutik uviniluunniit kilaaqtuqakhuni. Aanniarutaukpiapaktuq aanniarut GAS aanniaruta piniaqtaqtuq ilaginni timimut pigumi nalvaakhimaitpatta, taapkuatut auk, niqiqarnikkut, puvingmiluunniit. Taapkuat aanniarutit taidjutiqaqtut imaa "invasive GAS aanniarut".

### Hunauvat naunairutigiyayut iGASmik aanniarutaannik?

Naunairutigiyayut aanniarutaukpiapaktut aanniarutit taimaitturnakhiut:

Necrotizing fasciitis mik taivagaat aanniarut: aannirnalaiqlutik puvittutiqlu (igattaummikyuulikhuni), kitjakhunilu imaalu/imaluunniit aupatjaktuq ulugiahimaviani

Streptococcal toxic shock syndrome (STSS) mik taivagaat aanniarut: kitjaq, ulugiahuqpialikhunilu (talvanilluaq tallak, kanaaqmiluunniit), naluqhaqtuq imaalu/luunniit aupayaaqturnia kukulaqinnia timimi (taimaatun piinnaqtut 10pusanguyut aanniarutiqaqtunut)

### Qanuktut hiamitpaqpa?

GAS aanniarut hiamittaaqtuq inungmin inungmut qalaktigut (tivvuaqtigutlu) kahaqkungniluunniit qilaakhimania uvinialuunniit hunatliqaaqluunniit hunavaluit kahaqpagait aanniqliatnut.

GAS aanniarutaa talvaniingginnaqluni pittaqtuq tamayani kirutinut halummarutit higaat imaalu ilvit piyukhayut aallanut atuqtittailugit kahaqtailugitluunniit.

Humiliqaaq inuriaqtumi hiamittaaqtuq taamna GAS aanniarut (nutaqqiqiivikmi, sikuuqviit aivianitlu inuriaqtuni humilikaq).

Aanniarutiqaqtuq hiammittilimaittuq aanniarutaannik havautituqtaugumi naakpat kihiani 24ni iqaanniritni.

### Kina piniaraluaqqauk?

Kituliqaaq iggiaqliuqtaqtut kilaaqluni mikkannuamik GAS uviniani. Ikittut inuit kahaqkumikkik GAS aanniarutaa aanniarutiqaqniatut GAS aanniarutaannik. Aanniaggittut aanniaqtaqtuugaluit GAS aanniarutaannik, taapkuangguyut inuit aanniakhimaaginnatut kaansatut, sukarluktut, uummaliqtutlu puvalliqutlu aannialaqihainnaqtaqtut. Kituliqaak uvini kilaqtuqaqpat (taapkuatut kilaqniit, aupadjaaktiqtuq, pilaktauvianilu kilaqniit), inirnikhat, inirniitlu imikpallaaqpakkaluaqtut hiraaluktutiklu kappittitikhutik aanniaqtaqtut uummamik aanniarunmik.

### Qanuktut naunaiktauvakpa?

Munarhiit ihivriungniatut iggiaknit kilaakhimayumitluunniit ihivriuqlugu aanniaqtuqqariakhaannik. talvainnaqmi.

### Qanuriliugiaqaqqin taimailitkuvin?

GAS aanniarutaannik aanniaqalikaat havautituqtauniaqtut. Aanniaqpiakhimayut, ikayuqtauniaqtut qayagiayuyut nayugaanunggaktitauhungguyut taimaatun pitkuyauqpatta. Aanniarutiqaqtumi, aallat nayuinnaqpagait havautituqyauniagunghiyut. Munakhit ihumaliuqniaqtuq talvuuna pivikhaqaqpat.



# Kangikhitjutikhaq

## Group A Iggiatigut (iGAS) Aanniarut

### Qanuriliurniaqqat aannialaqinnaittumik?

Ihuaqtumik uaqattaqlugit alratit aannialaqinnaittumik aallakkiingnik GAS aanniarutaannik. Uarpaqlugit alratit qalaqtugaikpat tadjukkumiluunniit munariaqtinnani munaruigumiguluunniit aanniaqtuq. Aallanut tunihittailuhi niukqautinik, hiraangnik, nigidjutit halummarutiniklu kigutinut.

Kilaarnia (kilikniit, amiikniniitluunniit) halumayukhauuyut qinikhimmaaqlugulu kilaaqariarhaatnik; kilaarnia aupatjakpat puvitpatluunniit, kitjaliguvitluunniit ulugiahuliguvitluunniit iggiakni, munarhiliatjavutin.

Nutaqqiqiviit sikuuqviitlu halummaqpatjavait pikuyat qaang'nganiittutlu upluk tamaat atuqpaklugitlu agiktauhimayunik halummagutinik.